



**CONVENIO DE COLABORACIÓN CULTURAL ENTRE O CONCELLO DE
SANTIAGO DE COMPOSTELA E O CURSO UNIVERSITARIO INTERNACIONAL
“MÚSICA EN COMPOSTELA”**

En Santiago de Compostela, a XX marzo de 2019

REUNIDOS

Dunha parte, Don Martiño Noriega Sánchez, en calidade de Alcalde do Excmo. Concello de Santiago de Compostela, con domicilio, a estes efectos no Pazo de Raxoi, Praza do Obradoiro en Santiago de Compostela e C.I.F. 1507900-G.

Doutra, Don María A. Dobarro Ramos en nome e representación do Curso Universitario Internacional de “Música en Compostela” en calidade de Presidenta con domicilio social na Avenida das Ciencias nº 2 - Campus Universitario Sur en Santiago de Compostela, e CIF G-81266553.

MANIFESTAN

1. Que o Concello de Santiago conta entre as súas funcións a celebración de convenios e concertos con institucións públicas e privadas para levar a cabo as tarefas da súa competencia, incluíndose nelas a realización de accións de fomento e difusión da cultura.
2. Que “Música en Compostela” ven traballando na celebración duns Cursos de Música Internacionais, que baixo o nome da cidade, teñen acollido milleiros de alumnos de todas as partes do mundo, dende hai máis de medio século, participando o Concello, entre outros, na organización dos devanditos Cursos de fama e prestixio mundial.
3. Que “Música en Compostela” vén desenvolvendo unha intensa actividade no eido da interpretación e información da Música Española, en colaboración con outras entidades, entre as que se atopa o Concello de Santiago.
4. Que a devandita iniciativa cultural resulta de especial interese para a Concellaría de Acción Cultural do Concello de Santiago polo seu impacto positivo na difusión da Cidade e das máis altas exemplificacións da nosa cultura.



É por isto e que se acorda establecer un convenio de colaboración de acordo coas seguintes

CLÁUSULAS

Primeira: Serán obxecto deste convenio as actividades que “Música en Compostela” desenvolve en Santiago de Compostela, que teñen como fin a promoción da interpretación e información da Música a través das actividades que se relacionan no Anexo I.

Segunda: A Concellaría de Cultura colabora economicamente no desenvolvemento destas actividades (Anexo I) coa cantidade de **5.000 euros**, que serán ingresados na conta a nome de “Música en Compostela”, con CIF G-81266553 que ten ao seu nome no Banco Pastor co número de conta nº ES14 0238 8102 7506 0033 9433. Esta achega será compatíbel coas doutras entidades públicas ou privadas sempre e cando a suma delas non supere o importe total da actividade, e coas complementarias que o Concello poida, no seu día, establecer.

Na cantidade obxecto do convenio entenderase incluído o Imposto sobre o Valor Engadido (IVE) e calquera outro tipo de imposto ou gasto.

Terceira: O pago realizarase previa xustificación do valor da totalidade das actividades previstas no anexo I, presentando facturas oficiais e recibos que correspondan e que deberán conter tódolos datos do perceptor, así como a correspondente retención do IRPF.

Como documentos acreditativos dos pagos realizados só se aceptarán transferencias bancarias, certificacións de pago emitidas por entidades bancarias (extratos ou asentos de movemento individualizados). Os pagos en efectivo só serán admitidos para aqueles gastos que pola súa natureza non poidan ser pagos baixo outra modalidade, como subministros en restaurantes, gasolineras, supermercados, etc, non podendo superar en ningún caso a contía de 600 €. Acreditarase o pagamento mediante factura ou recibín asinado polo acreedor indicando a data de abono debendo figurar a expresión recibín ou outra análoga.

A xustificación tamén conterà o seguinte:

- Documentación acreditativa de que a actividade se realizou segundo o previsto.

- Certificación expedida pola Tesourería da Seguridade Social, que acredite que a entidade está ao corrente nos pagamentos que lle correspondan.
- Certificación da Delegación de Facenda do Estado que acredite que está ao corrente no pagamento das obrigas tributarias.
- Certificación da Consellería de Facenda que acredite que está ao corrente no pagamento das obrigas tributarias
- Certificación do Concello de Santiago que acredite que está ao corrente no pagamento das obrigas tributarias
- Ingreso selado pola entidade bancaria correspondente que acredite a titularidade da conta na que se deba facer o pagamento.
- Declaración asinada polo secretario da entidade co visto e praxe do presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas.
- Declaración asinada polo secretario da entidade co visto e praxe do presidente na que se faga constar as contías das axudas asignadas ou recibidas doutras administracións públicas, ou entes públicos ou privados, para o mesmo fin.
- Documento acreditativo de ter realizado os pagamentos.
- Tarxeta de Identificación Fiscal

A xustificación das contías poderán realizarse de xeito parcial até acadar o máximo da contía concedida. Empregarase para a xustificación o modelo do Anexo 2.

Cuarta: A data límite para a xustificación do convenio será o 15 de novembro de 2019.

Quinta: O Concello de Santiago figurará na publicidade e difusión das actividades subvencionadas, tanto impresa como en outros soportes, como “colaborador”, utilizando a súa imaxe corporativa. Asemade “Música en Compostela” comprométese ao cumprimento das obrigas contidas na Lei Xeral de Subvencións 38/2003.

Sexta.- Este convenio ten natureza administrativa e compételle ao Concello de Santiago o control da súa execución e a vixilancia do cumprimento do seu contido. A Concellaría de Cultura poderá, cando o considere oportuno, comprobar o estado de execución das actividades obxecto deste convenio. Crearásese unha comisión mixta de seguimento da execución do convenio e para a solución e interpretación de controversias formada pola concelleira de Acción Cultural e polo representante do



beneficiario da subvención.

Séptima.- O incumprimento das cláusulas deste convenio por calquera das partes será causa suficiente de rescisión deste, do mesmo xeito procederá o reintegro da subvención polas causas previstas no artigo 37 da Lei Xeral de subvencións.

Oitava.- Toda a comunicación, oral ou escrita, que se derive deste convenio, dirixida a esta administración ou a calquera outra entidade ou persoa, incluíndo a presenza pública mediante rótulos, avisos, sinais informativos, publicidade, atención directa, etc., así como o obxecto mesmo da contratación, realizaránse en lingua galega de acordo co previsto no Regulamento de uso do galego na administración municipal de Santiago de Compostela, especialmente no seu artigo 8.

Novena: Este convenio rexerá durante o ano 2019 e poderá ser prorrogado para o ano seguinte, por acordo expreso das partes, cos mesmos obxectivos e por unha cuantía económica non inferior, supeditado á existencia de consignación no ano seguinte.

Décima: Será responsabilidade de “Música en Compostela” a organización, xestión, publicidade e asistencia técnica requeridas polas actividades incluídas neste convenio. “Música en Compostela” será tamén responsábel dos traballos que desenvolva e das prestacións e servicios realizados, así como das consecuencias que se deduzan para a Administración ou para terceiros por omisións, erros, métodos inadecuados ou conclusións incorrectas na execución do convenio.

En proba de conformidade cos termos deste convenio asínase, por duplicado no lugar e data de encabezamento.

Polo Concello de Santiago

Por ‘Música en Compostela’

Martiño Noriega Sánchez
*Alcalde do Concello de Santiago de
Compostela*

María A. Dobarro Ramos
Presidenta de Música en Compostela



ANEXO I: PROGRAMA PROVISIONAL DE ACTIVIDADES DO CURSO UNIVERSITARIO INTERNACIONAL 'MÚSICA EN COMPOSTELA' 2019

O Curso Universitario e Internacional de Música en Compostela está composto polas ensinanzas internacionais de interpretación, información e investigación da Música Española en Cátedras singulares de: Piano, Violín, Composición, Guitarra, Viola e Música de Cámara, Musicoloxía, Canto, Polifonía, Órgano e Violonchelo, a cargo de afamados Mestres nacionais e estranxeiros; Contribúen o propio traballo das súas aulas, unha serie de Seminarios, Edicións de libros e partituras, Visitas culturais, Concertos e Conferencias que o Curso Universitario e Internacional, ofrece gratuitamente ó seu alumnado cosmopolita e ó público en xeral. Nos Concertos de Música en Compostela colaboran de forma habitual, ademais de profesores e alumnos, as principais Orquestras Sinfónicas e de Cámara de Galicia. Concertos que teñen lugar en distintas cidades galegas.

Datas: Do 28 de Xulio o 10 de Agosto de 2019:

Inauguración do Curso no Hostal dos Reis Católicos: Día 28 de Xulio.


- Clase de Canto: Entre o 29 de Xulio e o 9 de Agosto.
- Clase de Órgano: Entre o 29 de Xulio e o 9 de Agosto.
- Clase de Piano: Entre o 29 de Xulio e o 9 de Agosto.
- Clase de Violín: Entre o 29 de Xulio e o 9 de Agosto.
- Clase de Violonchelo: Entre o 29 de Xulio e o 9 de Agosto.
- Clase de Polifonía: Entre o 29 de Xulio e o 9 de Agosto.
- Clase de Musicoloxía: Entre o 29 de Xulio e o 9 de Agosto.
- Clase de Composición: Entre o 29 de Xulio e o 9 de Agosto.
- Clase de Guitarra: Entre o 29 de Xulio e o 9 de Agosto.
- Clase de Viola e Música de Cámara: Entre o 29 de Xulio e o 9 de Agosto.

Clausura do Curso no Hostal dos Reis Católicos: Día 10 de Agosto.

Aparte, polas tardes de cada día do Curso, realizaranse actividades extraordinarias de Concertos e Conferencias, tendo xa en previsión as seguintes, aínda que a súa realización dependerá dos recursos dispoñibles:

- Recital a cargo do Profesor da Cátedra de Piano Josep M^a Colom.
- Un Concerto da Real Filharmonía de Galicia, e outro pendente de aprobación.
- Concerto do Profesor do Conservatorio Nacional de París Marc Coppey.
- LX edición do Concerto "A luz dos Candelabros" no Museo de Pontevedra.
- Concerto no Hospital Clínico Universitario a cargo dos alumnos do Curso.
- Concerto de Viola interpretado polo titular da cátedra homònima Ashan Pillai.
- Dous Concertos de Alumnos Becarios

Lugares de realización: Facultade de Medicina da Universidade de Santiago, Hostal dos Reis Católicos, Mosteiro de San Paio de Antealtares, Capela da Universidade de Santiago, Hospital Clínico Universitario de Santiago e Museo de Pontevedra.



**CONCELLO DE
SANTIAGO**

ORZAMENTO DA ACTIVIDADE

Servizos profesionais docentes -----	10.040 €
Servizos independentes (Afinacions) -----	1.450 €
Primas, seguros e SGAE -----	1.350 €
TOTAL -----	12.865 €

A parte subvencionada polo diñeiro concreto do Concello (5.000€) destínase aos gastos derivados dos concertos, concretamente á afinación de instrumentos, aos salários dos profesores para preparar os concertos de alumnos, e aos seguros de alumnos.

As actividades patrocinadas polo Concello de Santiago son os concertos, conferencias e leccións públicas que teñen un orzamento aproximado de 12.865 € correspondentes a subvención do Concello (5000€), Fundación Barrié (6100€ previstos) e Fundación Segundo Gil Dávila (1.765€ previstos). En total 12.865€

ANEXO 2: MODELO PARA A XUSTIFICACIÓN DA REALIZACIÓN DA ACTIVIDADE

D. _____ como representante legal de :

Entidade beneficiaria CIB/NIF

CERTIFICO:

1º.- Que o programa para o que se concedeu a subvención, e que a continuación se detalla, foi realizado na súa totalidade

Actividade ou programa: Convocatoria: Datas de realización: Importe da actividade: Importe da subvención concedida:

2º.- Que os gastos xenerados na actividade concreta do programa/s subvencionados son os seguintes:

Nº	CONCEPTO	IMPORTE	FECHA PAGO
	IMPORTE TOTAL DA ACTIVIDADE SUBVENCIONADA=		

Que se adxuntan as facturas ou documentos substitutivos correspondentes a estos gastos, así como a xustificación do seu pago.

3º.- Que as subvencións solicitadas ou concedidas por outras Entidades para a realización da actividade subvencionada ascenden a un total de _____ €, co seguinte detalle:

ENTIDADE CONCEDENTE	IMPORTE
	TOTAL=

